

珠顆顆瑩薜荔墻頭凝紫照水晶簾外看青莖紅塵難到三山  
界白晝閒消萬類情

寓意

荏苒光陰瞬息過何名何利尙婆婆青山不用金錢買白眼憑  
他紫綬多野服芒鞋行處好粗茶淡飯與身和不然尋個幽閒  
地構一茅庵是樂窩

嘯吟

八九玄功此際全大丹結就便成仙五花聚頂通靈印一氣朝  
元會帝天獨闢乾坤持造化漸新日月衍真玄山中甲子原無  
盡一嘯蓬壺度八千

道藏輯要

呂帝詩集

二

三五  
室集六

閒吟

一曲當年弄水濱至今難覓是知音清風長袖衣無縫明月時  
吞物外身不向濁塵分皂白只於玄竅認根因古今多少稱名  
客誰是東風舊主人

示眾修斗儀

梵咒靈文不易宣囊中雲錦祕玄玄金光隱現含真炁玉格精  
深定密詮北極靜從心上出南辰隨向指中懸支天奧妙無多  
訣默運機樞寶座邊

送允誠元誠回黔

盤桓高閣戀塵囂度世婆心自覺饒踏遍江城風未靜聽殘玉